

## Program Mobiliti mahasiswa UMP di ITS Surabaya



Surabaya, 29 September- Lima mahasiswa Fakultas Kejuruteraan Kimia & Sumber Asli Universiti Malaysia Pahang (UMP) dipilih bagi mengikuti program pertukaran pelajar ke Jurusan Teknik Kimia, Fakultas Teknologi Industri, Institut Teknologi Sepuluh Nopember (ITS) di Surabaya.

Mereka adalah Muhammad Syakir Muhammad Salleh, Norfarahin Hamzah, Nur Syazaarina Ahmad, Khairunnisa Kamarul Arifin dan Fatin Fatihah Emran merupakan mahasiswa semester pertama bermula dari 26 Ogos hingga 7 Januari depan. ITS ditubuhkan pada 1954 dan merupakan salah sebuah universiti terbaik di Indonesia dalam bidang sains dan teknologi.



Menurut penyelaras program, Prof Madya Dr Fatmawati Adam berkata, penganjuran program mobiliti ini adalah untuk mengukuhkan jalinan kerjasama akademik antara UMP dan ITS di samping memberi peluang kepada mahasiswa FKKSIA untuk merasai sendiri suasana pembelajaran dan kehidupan kampus di ITS. "Pihak fakulti membuka peluang kepada mahasiswa untuk menyertai program mobiliti pada semester depan melibatkan negara India, Indonesia dan Turki," katanya.

Sementara itu, bagi peserta program, Muhammad Syakir berkata, pelbagai aktiviti telah dirancang dan dilaksanakan oleh Pejabat Antarabangsa ITS dan salah satu daripadanya adalah aktiviti kesukarelawanan yang mana setiap daripada kami perlu mengajar Bahasa Inggeris kepada pelajar-pelajar sekolah rendah dan menengah.



"Aktiviti yang paling menyenangkan ialah ketika kami tinggal bersama keluarga angkat di Kampong Rowo Trate, sebuah perkampungan budaya di Timur Jawa Indonesia," kongsi Syakir dalam nada gembira. Dalam pada itu, kepada mahasiswa yang beminat untuk menyertai program mobiliti, boleh berhubung dengan Prof Madya Dr. Fatmawati (fatmawati@ump.edu.my) atau Dr. Nur Hidayah Mat Yasin (hidayahyassin@ump.edu.my).

**Disediakan oleh Dr. Rohana Abu dari Fakulti Kejuruteraan Kimia dan Sumber Asli dan Suntingan Bahagian Komunikasi Korporat**